

清會典



			四	漢書門
二	一	三	五	
〇	三	七		類
冊	架	函	號	

庫文閣內			
二	二	漢	
九	四	書	
函	〇		
三	三		
架	冊	號	類

內閣文庫	
番號	漢 2435
冊數	20(18)
函號	295 5

八十七二十九



欽定大清會典卷之八十七

內務府

淺革文庫

總管無定員於滿洲文武大臣或王公內

簡用掌內府一切事務奉宸苑武備院上駟院並隸

焉所屬廣儲會計掌儀都虞慎刑營造慶豐七

司

廣儲司管理六庫郎中二人郎中四人員外郎

十有二人主事一人司庫十有二人掌理內府

庫藏筆帖式二十六人○管理江寧府蘇州

杭州府織造官各一人於內務府司官內司庫

內務

各一人。庫使各二人。筆帖式各二人。

會計司。郎中三人。員外郎六人。主事一人。掌理

內府帑項。筆帖式二十六人。○內管領三十人。

副內管領三十人。筆帖式八人。○管理三旗納

銀莊郎中一人。員外郎六人。主事一人。筆帖式

十有二人。

掌儀司。郎中二人。員外郎八人。主事一人。掌內

府典禮。司俎官五人。贊禮郎十有七人。筆帖式

二十二。○尚膳正。尚茶正。一等侍衛各一人。

二等侍衛各二人。尚膳副尚茶副三等侍衛各

一人。尚膳二等侍衛六人。尚茶三等侍衛三人。

尚膳藍翎侍衛七人。尚茶藍翎侍衛四人。主事

一人。筆帖式十有二人。○

中正殿員外郎三人。筆帖式三人。○

雍和宮。郎中員外郎各一人。筆帖式三人。○咸安

宮。官學。筆帖式一人。○南府。景山。筆帖式各二

人。○藥房。主事一人。未入流。庫掌二人。筆帖式

十有五人。

都虞司。郎中二人。員外郎五人。主事一人。掌府

屬武職。陞補及內府護軍。供應。駁漁。筆帖式二

十六人。○掌

御舟筆帖式二人。尙虞筆帖式一人。鷹房鴉房筆帖式各二人。狗房筆帖式三人。

慎刑司郎中二人。員外郎四人。主事一人。掌內府刑罰筆帖式三十人。

營造司郎中二人。員外郎八人。主事一人。掌理造作兼司薪炭筆帖式二十六人。○官房租庫

筆帖式七人。未入流庫掌一人。○刊刻

御書處監造一人。未入流庫掌三人。署庫掌四人。筆帖式二人。○

武英殿修書處監造二人。庫掌四人。署庫掌五人。筆帖式五人。○

養心殿造辦處郎中二人。員外郎二人。主事一人。庫掌六人。筆帖式十有六人。

慶豐司郎中二人。員外郎十人。主事一人。掌校館廐牛羊及口外牧場孳生蕃息筆帖式十有六人。

堂郎中一人。主事二人。掌治堂事。凡府屬文職升補武職及章奏文移皆隸焉。筆帖式三十人。○稽察內務府御史所屬筆帖式八人。

凡升除郎中至八品苑副。由府及該處開選。引見補授。未入流。司庫以下。由府除授。其升選。訓補。均依成法。

凡京察。府屬官員。每三年。由總管考察一次。分別去留。具題請

旨。

凡遇三大節。

太和殿。

皇太后宮。行禮。均與百官同。

皇太后宮。行禮。於內右門外。

躬祀

壇廟

車駕出入。於

午門外跪候迎送。

駕經由內務府衙門總管率所屬官排班祇候。

凡常朝。內務府總管率所屬文武官。於右翼門外總管於門階上。各官以次列坐於階下。以都虞司司官察班。

凡直宿日。以總管一人。如因事不能入直。以郎中代。恭遇

皇帝宿

齋宮。

行幸駐蹕。

皇太后

皇后在宮中。奏爾總管一人在京。如遇

皇帝進宮。

皇太后

皇后在

圓明園。奏爾總管一人在園。

凡恭遇

皇太后

皇后

妃

嬪出入。總管一人。率內府護軍統領。內府護

軍豹尾班扈從。如總管乏人。行文領侍衛內大

臣。以散秩大臣一人代。

凡用

御寶恭遇

行幸駐蹕。總管一人。同內閣學士於

乾清門監視

凡輿制。

皇太后

皇后輿重頂。上層六方。各面濶一尺四寸。二層深四尺四寸。濶三尺六寸。皆飾以金。垂幃二層。均黃綾。銷金鳳覆以黃雲綺風衣。上安鈹花金頂。輿屋高四尺五寸。深三尺五寸。濶二尺八寸。幃用黃雲綺輪轅均髹以黃。轅兩端輪銅轆。均以鐵爲之。鍍以金。
皇貴妃輿。鍍以金銀。餘同。
貴妃輿。安鈹花鍍金頂。幃用金黃綺。餘同。

皇貴妃之制

皇妃輿。用金黃綾。銷金鳳覆以金黃雲綺風衣。鈹用金黃雲綺。餘如

貴妃之制

嬪貴人輿。頂深四尺四寸。濶三尺六寸。幃幃均用金黃雲綺。輪轅髹以黃金。餘如

妃之制。常在以下。幃幃均用青雲綺。銅頂。輪轅髹以未鍍以銀。餘如

貴人之制

皇子福晉輿。幃幃均用絳雲綺。上安銀頂。餘同前

廣儲司

凡府庫有太。曰銀庫。曰段庫。曰衣庫。曰茶庫。曰皮庫。曰器庫。各有專司。物相類者。則兼掌之。總管率郎中。司庫等官。慎出納。時供奉。每月終奏銷。次年彙造黃冊具題。閱五年奏簡司官。清釐庫藏。

凡供奉

皇太后

皇帝

皇后御用冠服。

妃

嬪

皇子公主朝冠朝服皆依禮部定式敬謹成造。

戴進

皇太后宮金珠表裏。

皇后

妃

嬪宮表裏均按數供奉。○隨時應用器物皆準宮

殿監督領侍移文恭進。○恭遇

車駕時巡齋金錢皮幣及應用器物以從。

內務府

七

凡出納山西歲貢潞紬。由工部。江南浙江貢茶。由戶部。光祿寺。蒙古王公台吉外國君長番部喇嘛朝貢方物。由禮部。理藩院。均移送至庫。付各庫驗收。捕牲烏喇貢珠。索倫烏亮海貢貂。會戶工二部區別等次。

盛京寧古塔貢人參。寧古塔瓜爾察貢貂。由府區別等次。均具奏貯庫。山海關外屯衛貢獾。狐。水獺等皮。

盛京貢布棉鹽。張家口貢紅花。三旗游牧處貢羊皮。玉草。即得勒蘇草。均送庫驗收。其支發庫物。見

有者。不得逾六日。移取戶工二部者。不得逾十日。均準各處文移發給。

凡造官製造。江南江寧蘇州二府浙江杭州府。差織造官各一人。司庫各一人。筆帖式各二人。庫使各二人。設機募匠。分織龍衣。采幣錦段。紗。細絹布。棉甲。及採買金絲。織絨之屬。歲由府擬定色樣。及應用之數。奏行織造。

上川者陸運。官川者水運。各依限輸庫。驗收。以數咨戶部奏銷。○江西九江府景德鎮差官製造。奏器輪庫收貯。歲終山府奏銷。

凡供用。

宮中祭

神

奉先殿制帛並需用金銀幣布。及香紙之屬。由銀庫段

庫茶庫。封閉

御寶需用鑪。由銀庫。年節張燈。

躬祀

壇

廟

駕前及各門擊執引銮。由皮庫。裘器庫。各

宮殿寺廟供花。

御燕前所用采花。由茶庫。均準移文恭進。

凡賞賚王公大臣。侍衛每歲冬至前。應

賜朝冠朝服端罩。

閣校大臣侍衛內府三旗所屬官兵騎射。奉

旨賞鞍馬銀幣。均由府具奏

頒賜。

視學

幸魯禮成。

內務府

賜行聖公朝冠朝服恭纂

實錄告成賞監修總裁纂修官表裏來朝之蒙古王

台吉進貢之朝鮮安南琉球西洋進羅緬甸蘇

祿南掌諸國王西藏番部喇嘛及其使臣賞貂

皮表裏瓷器直省舉報壽民壽婦年逾百歲者

奉

旨加賞銀幣均準禮部理藩院移文發給

凡官給衣物朝祭燕會豹尾班侍衛蟒袍

內朝筵燕及饗

先蠶執事命婦朝衣鹵簿內執兵仗馭馬親軍護軍

冠服宿衛之侍衛至領催步軍冬夏被褥準領

侍衛內大臣暨儀衛掌儀司移文按時給發會

試舉子禦寒棉襪準禮部移文兵丁操演棉甲

準八旗移文支領均事畢交還敝則補製

凡優卹內府三旗官兵婚喪給

恩賞銀年七十以上男婦給銀幣

宮殿內監歲給衣服守護

陵寢內監尚茶尚膳婦女供奉

奉先殿廚役內管領下內外執事男婦及匠作夫役之

隸內府者歲給羊裘段布各有差

凡匠作七等。銀作。銅作。皮作。染作。衣作。糖作。花作。各有定數。皆以執藝之優劣。定役食之多寡。長以領作總以司匠。闕則召募。精則革除。

會計司

凡

皇莊各有等次。

盛京莊八十有四。一等莊三十五。二等七。三等八。

四等三十四。山海關外莊二百十有一。一等莊

六十六。二等四。三等二十。四等百二十一。喜峯

口。古北口外莊百三十八。均一等。歸化城莊十

有三。捕牲烏喇莊五。駐馬口外彌陀山莊十。

五。均不分等次。

畿輔莊三百一十有二。一等莊五十七。二等十有

六。三等三十八。四等二百十有一。半莊七十一。

豆糧莊六。稻田莊三。均不分等次。每莊設莊長

一人。瓜田菜圃。置莊設長。亦如之。別給耕地。以

養其家眾。

禁苑稻麥田。供

上幾餘觀省。委官一人。董率莊長。祇承厥事。

凡莊賦。共地萬三千二百七十二頃八十畝。賦

糧九萬三千四百四十石。菽二千二百二十五石。芻八萬一千九百四十束。各有奇。

凡徵糧。

盛京一等莊。每莊歲納糧三百八十二石。二等。三百五十二石。三等。三百有七石。四等。百九十二石。除給三旗丁糧外。以三萬石貯窖。萬石貯奉天府倉。由

盛京內務府總管徵收。關外一等莊。歲納糧三百二十二石。二等。二百九十二石。三等。二百六十二石。四等。百九十二石。每糧十石。折銀二兩。每

莊於正數外。不論等次。各納雜糧二十九石。斗六升。折銀四十一兩有奇。由錦州副都統徵收。口外每莊。歲納糧二百五十石。每糧二石。折米一石。貯熱河倉。每運米十石。抵糧一石。正數內各納雜糧三十三石。折銀四十兩有奇。由熱河總管徵收。歸化城每莊。歲納糧二百石。貯本城旗倉。由都統徵收。捕牲烏喇每莊。歲納糧六百有四石八斗。以二萬石貯倉。餘糧平糶。由總管徵收。駐馬口外每莊。歲納米二百石。貯本處旗倉。由右衛將軍徵收。

畿輔一等莊每莊歲納糧二百五十石。二等莊一百二十石。三等莊一百九十石。四等莊一百二十石。半莊六十石。每糧十石。折銀五兩。一二等莊於正數內納雜糧三十三石。折銀六十八兩。三四等莊納雜糧二十九石。折銀六十兩。各有奇。豆糧六莊。歲納菽二千二百二十五石。芻八萬一千九百四十束。稻田三莊。每畝納米二斗四升。至三斗六升。有差。旱地每畝納糧四斗五升。均由司徵收。芻菽除豆糧莊歲輸所入外。除按內外廐園牧羣所需之數。分撥於各莊。歲於九月望

至次年二月杪。出場游牧以前。計日飼秣。近者以馬就莊。遠者運料供馬。均準抵正糧。雜徵盛京及關外。每莊均歲輸鶯一。關外並納茜草線麻。及萋蒿。黃花蕪。諸蔬。畿輔一二等莊。歲納豕三。三四等莊。歲納豕二。及味。麥。稻。穠。諸桔。並紅花。蓼。子。芥。子。菜。子。瓢。箒。飄。翎。之。屬。

內廷歲時祭

神暨

內務府

奉先殿應用黍稷稻粱之屬均令朝陽門外八莊供奉貯於官三倉。

凡徵輸考成按各莊應納糧數析為十分欠一分至十分者柳責有差五分以下者於次年并徵六分以上者革所欠豁免芻菽雜徵同莊長輸寄急公闕四五年無遺欠者給八品頂帶闕二三十年及經年無欠因年老告退者均給九品頂帶領催於承催之莊三年無欠者亦給九品頂帶逾限不完者與莊長並論。

凡勘災。

畿輔各莊偶遇旱潦卽報府由地方官履勘結於總督轉達於府如與原報相符給口糧蠲免擅報者莊長治罪。

盛京及關外口外各莊同由總管將軍都統副都統達府至於鹵礮沙瘠不能按則輸將者勘實大莊改半莊半莊交地方官召佃。

凡莊長闕各以其親屬承充欠糧或緣事革退及新設之莊均於本莊及別屬壯丁內選補除緣罪沒入及投充之人選為莊長外餘陳人子弟均準應試。

凡編審壯丁每三年一次。

盛京及關外口外各莊由總管將軍都統副都統

畿輔由府委官各具冊於府由府彙冊奏

聞以周知各莊壯丁之數若莊長自買之人不準入

冊其白

國初投充及無罪撥遣之壯丁內有力能謀生者

令莊長報府聽入民籍。

凡奏銷。

內廷祭

神金銀牲幣於十一月官三倉黏稻蜜鹽於六月米蠟

於八月。

畿輔莊糧於十二月各莊芻菽於四月。

盛京及關外口外莊糧於文到一月內各具題均

於次年覈銷上年之數。

凡

皇子分封各按爵秩給以莊地人丁公主郡主贈

嫁亦如之。

凡選官女於內府三旗佐領內管領丁女子年

十三以上者造冊送府奏交宮殿監督領侍等

引

見入選者苗

宮餘令其父母擇配其所

宮之女至二十五歲遣選擇配。

凡宮中乳母保姥於各佐領內管領下選充仍

別雇乳母以哺乳母之子女。

凡尚膳尚茶及鷹鷄鵲狗房執事人各廐圈廐

丁均以佐領內管領下應選之人送該管處選

用。

凡收錄內監由禮部冊列姓名籍貫移府總管

察其來由無異迺委年老內監一人驗實具奏

候

旨分撥年老者聽其回籍為民。

凡支給內監月費執事人匠役儼廩。

盛京三旗內管領下人丁口糧守熱河

行宮倉廩兵丁月餉。

盛京捕送鹿兔捕牲烏喇貢珠官役廩給芻秣均

行文所司支領辨其多寡增減之數各有差

凡

恩卹三旗佐領內管領下鰥寡孤獨者月給銀米養

贍孤子或成人能執役迺止。○絕嗣有產業者

爲立祭田及守墓奴僕餘給其女暨姊妹有差

凡
宮中祭

神

內廷供奉均以內管領率所屬男婦敬謹從事。

凡官三倉分貯米鹽蜜蠟每倉以內管領副內
管領各二人經理出納每年一次或二次於戶
部支領歲終具冊奏銷。

凡瓜菜園菜園六十丁瓜園三十丁各給畦地
一頃八十畝或以旱地五畝準畦地一畝畦地

園丁各納瓜蔬有差旱地園丁徵銀如果園丁
例見掌儀司。

凡監造鹽醢以內管領二人未入流庫掌二人
庫守四人董其事。

凡造辦餅餌設造辦房二所一以內管領分班
輪直監視造辦進

御者一以內管領一人專司造辦供品。

凡車輿設庫收貯以內管領四人典守。

凡器皿日用有額以內管領二人典守非常用
之器別貯於廣儲司庫歲一檢稽。

凡納銀莊順治初年。

畿輔之民攜地來投者各就其地而立之莊計莊

百三十有二。不立莊者並仍其戶計戶二百八

十有五。內有棉莊戶又蜜戶三十有八。葦戶七

各攜地自三十畝至二十八頃有差其以身來

投給官地四十二畝耕種者曰繩地人計戶二

十有九。

凡田賦共地五千七百四十八頃三十畝賦銀

三萬八千九百二十兩。芻十有二萬一千七百

九束各有奇。

凡徵收各視其地之多寡肥饒以定則。二十八

頃之莊一。歲徵銀七百兩。二十七頃之莊一。徵

銀三百兩。二十一頃之莊一。徵銀四百兩。畦地

二頃三十八畝之莊一。徵銀二百五十兩。十八

頃之莊二十有九。各徵銀二百兩。九頃莊二。各

徵銀百兩。七八頃之莊九十七。每畝徵銀一錢

一分有奇。不立莊者每畝徵銀三分。芻一束。東

七。遠戶每束折銀三分。蜜戶每六畝徵蜜五斤

葦戶每畝徵銀一分。至八分有差。內徵蘆葦六

千二百五十斤。每斤準抵銀三釐五毫有奇。繩



地人與不立莊者賦同均照例徵銀交廣儲司
貯庫芻交廩館蜂蜜蘆葦交官三倉。○雜徵各
莊戶歲納柳條穀麻繩帚之屬共折銀千四百
八十三兩有奇令催長採買交官三倉。
凡徵輸勸懲莊地勘災編審各莊戶壯丁均如
例莊長闕各以其子弟充補奏銷以次年之十
二月

欽定大清會典卷之八十八

內務府

掌儀司一

凡饗

奉先殿之禮。

國初

定鼎燕京崇建

太廟以奉

列祖歲時祫饗又於

大內景運門之東建

內務府

奉先殿朔望瞻拜時節薦新生忌祭饗出入啓告以展

孝思

前殿

後殿均九間中為穿堂以聯前後繚以周垣。

前殿設

列聖

列后龍鳳神寶座籩豆案香帛案祝案尊案。

後殿同殿異室各設神龕寶牀寶倚棹櫨前設供案燈

檠均如事生之儀中室奉安

太祖高皇帝神位居左。

孝慈高皇后神位居右左室奉安

太宗文皇帝神位居中

孝端文皇后居左

孝莊文皇后神位居右右室奉安

世祖章皇帝神位居中

孝惠章皇后神位居左

孝康章皇后神位居右左第二室奉安

聖祖仁皇帝神位居中

孝誠仁皇后神位居左

孝昭仁皇后神位居右

孝懿仁皇后神位居左次

孝恭仁皇后神位居右次右第二室奉安

世宗憲皇帝神位居左

孝敬憲皇后神位居右左第三室奉安

孝賢皇后神位均南嚮

凡朔望

皇太后聖壽

萬壽聖節元正冬至及國有大慶均恭奉

列聖

列后神牌於

前殿祭饗禮成還御

後殿寢室

前殿正中設

太祖高皇帝位於左

孝慈高皇后位於右左間設

太宗文皇帝位於右次

孝端文皇后位於次

孝莊文皇后位於右間設

世祖章皇帝位於左次

孝惠章皇后位於次

孝康章皇后位。左第二間設

聖祖仁皇帝位於右。次

孝誠仁皇后位。次

孝昭仁皇后位。次

孝懿仁皇后位。次

孝恭仁皇后位。右第二間設

世宗憲皇帝位於左。次

孝敬憲皇后位。均南嚮

帝后同案左第三間設

孝賢皇后位。西嚮皆簋二。盞二。饗十有二。豆十有二。

篚一。鑪一。鐙二。各登一。銅一。奉先制帛一。孝賢

皇后用尊一。金爵三。金七。金箸二。帛共篚。尊

寶酒。疏布。纛。勺。具。其登。銅簋。簋。豆。尊。篚。陳。設

一如

廟之制。惟不設牲俎。不行飲福受胙禮。王公百官不

陪祀。祭前一日。本司官率所屬進祝版於

神庫。祝案。迺省盞。展器。封牲。瘞毛。血。樂部及本司

內監。設中和韶樂於階上。分左右懸。祭日。讀祝

官詣

神庫。祝案前。行一跪三叩禮。恭奉祝版。贊禮。郎二

入前引由

奉先門中門入進

殿中門跪設於西旁祝案三叩退內府奉請

神牌各官進至

後殿內各就

寢室前上香一跪三叩恭奉

神牌依次行至

前殿各依次奉安於

寶座一跪三叩退司拜褥官設

御拜褥於

殿門內正中及各香案前掌儀司官詣

乾清門奏請

皇帝御袞服乘金輿出宮由

景運門至

誠肅門降輿前引大臣十人次贊引太常卿二人

恭導

皇帝入

奉先門左門大臣二人後扈及豹尾班侍從如儀內

監跪進盥盤帨巾於階下

皇帝盥洗由左階陞進至

大清會典

卷二十六

內務府

五

殿內拜位前北嚮立。豹尾班侍衛至階下左右前引導。

十大臣至。

殿陛上兩旁均止立。東西面後扈二大臣隨入於。

皇帝後兩旁僉立。典儀官贊樂舞生登歌。執事官各

共迺職引舞官二人執旌節引武舞八佾進贊。

引官奏就位。

皇帝就拜位立。典儀官贊迎。

神司香官各奉香盤進贊樂官唱舉迎。

神樂奏貽平之章。司香官進至各香案旁立。贊引官奏

就上香位恭導。

皇帝詣。

太祖高皇帝香案前。司香官跪進香。贊引官奏跪。

皇帝跪奏上香。

皇帝上柱香。次三上瓣香。興以次詣。

列聖香案前。上香儀同。贊引官奏復位。各香案司拜禱。

官起拜禱。

皇帝復位。奏跪拜興。

皇帝行三跪九拜禮。

孝賢皇后位。司香官奉香盤進贊引官恭導。

皇帝詣。

欽定大清會典

卷之六十八

內務府

六

孝賢皇后香案前司香官跪進香

皇帝立上柱香次三上瓣香恭導

皇帝復位樂止典儀官贊奠帛爵行初獻禮司帛侍

衛奉篚司爵侍衛奉爵以次進北面立贊樂官

唱舉初獻樂奏敷平之章樂作舞千戚之舞司

帛詣

列聖

列后神位前跪奠帛篚於案三叩司爵詣案前立獻爵

奠於爵墊正中皆退司祝至祝案前跪三叩奉

祝版跪案左樂暫止贊引官奏跪。

皇帝跪贊引官贊讀祝司祝讀祝畢

祝版內不書孝賢皇后諡

號奉祝版詣

太祖神位前跪安於帛篚三叩退贊引官奏拜興樂作

皇帝行三拜禮興樂止引武功之舞退引舞官二人

執旌節引文舞八佾進典儀官贊行亞獻禮司

爵奉爵以次進贊樂官唱舉亞獻樂奏敷平之

章舞羽籥之舞司爵獻爵奠於爵墊左儀如初

獻樂止典儀官贊行終獻禮司爵如前進贊樂

官唱舉終獻樂奏紹平之章

舞同亞獻

司爵獻爵奠

於爵墊右儀如亞獻樂止引文德之舞退典儀

官贊徹饌贊樂官唱舉徹饌樂奏光平之章樂止贊禮郎一人趨至中闕左旁北面跪奏禮成請

還宮三叩退贊樂官唱舉

還宮樂奏又平之章贊引官奏跪拜興

皇帝行三跪九拜禮樂止典儀官贊奉祝帛恭送燎

所司祝司帛各詣

神位前跪三叩奉祝奉帛司香跪奉香興恭送燎所贊

引官恭導

皇帝轉立拜位東旁西嚮司拜褥官起拜褥候祝帛

過仍設贊引官恭導

皇帝復位祝帛燎畢奏禮成恭導

皇帝由

殿左門

奉先門左門出內府官各詣

神位前行禮恭奉

神牌還御

後殿寢室

皇帝至誠肅門外陞金輿還宮○遣官行禮奠獻均

如前儀贊禮讀祝用內府贊禮郎遣

欽定大清會典事例 卷六十八 內務府

皇子行禮具補服至

誠肅門本司官贊禮郎二人前導

皇子由

奉先門右門入升西階至正中行禮上香由

殿右門出入視帛送燎時避立西旁禮成仍由西階降

由原進門出遣王公內大臣行禮同

凡恭上

徽號

册立

册封

御經筵

耕藉

謁

陵巡狩

回鑿及諸慶典均祇告於

後殿前一日本司官一人視封牲塗毛血祭日陳香鏡

神位前各設爵三每案籩六豆二讀祝官詩

神庫祝案前一跪三叩恭奉祝版贊禮郎二人前

引入

後殿中門跪設於西旁祝案三叩退內監啓

次定大書會典

卷之八 內務府

七

神龜司拜禱官設西殿階下三叩以內盥

御拜禱於

後殿門內正中。至時。掌儀司官詣殿前贊引二人前

乾清門奏請。皇帝御袞服。乘金輿出宮。由

景運門至。大臣侍衛前引。後扈如儀。贊引太

常卿二人恭導

皇帝入

奉先門左門出

皇帝入

奉先門左門出

殿東夾道門入。至

後殿左階下。豹尾班止於門外。內監跪進盥盤。悅巾

皇帝盥洗。由左階陞入

後殿左門。至拜位前北嚮立。後扈二大臣隨進。在後僉

立。前引十大臣。至穿堂內兩旁。東西面立。典儀

官贊執事官各共迺職。贊引官奏就位。

皇帝就拜位立。司香官各舉香合進。贊引官恭導

皇帝詣

太祖寢室香案前立。贊引官奏跪

皇帝跪。奏上香

內務府

皇帝接香合拱舉。仍授司香官。與三上香。贊引官恭導。

皇帝依次詣左右。

寢室前上香畢。贊引官奏復位。恭導。

皇帝復位。奏跪拜。與。

皇帝行三跪九拜禮。與。恭導。

皇帝至。

孝賢皇后寢室前。立上香畢。復位。與。儀官贊奠帛。爵。

行初獻禮。司帛爵侍衛各奉篚。奉爵。進至。

神位前。司帛跪奠帛於案。三叩。司爵立獻爵。奠於爵墊。

正中皆退。司祝進至祝案前。跪三叩。奉祝版。跪。

案左。贊引官奉跪。

皇帝跪。贊讀祝。司祝讀祝畢。奉祝版詣。

太祖寢室前。跪安於帛篚。三叩退。贊引官奏拜。與。

皇帝行三拜禮。與。典儀官贊行亞獻禮。司爵獻爵。奠。

於爵墊左。儀同初獻。典儀官贊行終獻禮。司爵。

獻爵。奠於爵墊右。儀同亞獻。贊引官奏跪拜。與。

皇帝行三跪九拜禮。與。典儀官贊奉祝帛。恭送燎所。

司祝。司帛各詣。

神位前一跪三叩。奉祝帛。恭送燎所。贊引官恭導。

欽定大清會典事例 卷一百一十八 內務府

皇帝轉立拜位東旁西嚮司拜禱官起拜禱候祝帛
過仍設贊引官恭導

皇帝復位奏禮成恭導

皇帝由

後殿左門東夾道

奉先門左門出至

誠肅門外陞金輿還宮○遣官行禮

皇子具補服至

誠肅門本司官贊禮郎導引由

奉先門右門入由

殿西升穿堂右階至穿堂正中行禮上香由

後殿右門出入祝帛送燎時避立西旁禮成仍由右門

出遣王公內大臣行禮同

凡恭遇

列聖聖誕

列聖

列后忌辰及元宵清明霜降歲除等日於

後殿行禮

神位前各陳香鏡設酒脯果實畢內監啓

神龕寧儀司官誦

乾清門奏請內務府總管同內府贊禮郎恭導

皇帝入

後殿詣各

寢室上香所司設

御拜褥於

殿內正中

皇帝就位行禮一如祇告儀均不奏贊忌辰御素服節令

御袞服○遣官行禮與祇告同

凡立春端陽重陽等節及四月八日於

後殿陳香鐙每

神位前設酒脯果實四月八日不設酒脯畢內監啓

神龕本司官一人具補服上香行禮○

壽皇殿尊奉

聖祖仁皇帝

世宗憲皇帝

御容凡遇

聖誕忌辰及元正令節

皇帝躬率諸

皇子及近支王等展謁行禮其歲時奠獻一如事

生儀

凡祀

堂子之禮建

堂子於

長安左門外。街門北嚮。內門西嚮。建祭

神殿於正中。南嚮。前為拜

天園殿。殿南正中設

大內致祭立杆石座。次稍後。兩翼分設。各大行。行

各六重。第一重為諸

皇子致祭立杆石座。次親王。郡王。貝勒。貝子。公。各

依序列。均北嚮。東南建

上神殿。南嚮。歲正朔

皇帝率王公滿一品武官詣

堂子行拜

大禮。由禮部議明。是日。內府官設

皇帝拜位於

園殿外。甬道正中。鴻臚卿率鴻贊官夾甬道東西而序

立有司。陳香燈。內務府總管一人。率諸王一等

護衛各一人。豫詣

園殿內進櫛帛。變儀衛陳法駕。鹵簿於

午門外。日出前十刻。禮部堂官詣

大禮部

卷之八

內務府

十四

乾清門奏請

皇帝詣

堂子行禮

皇帝御禮服乘禮輿出宮前引大臣十人後扈大臣
一人豹尾班執槍佩刀侍衛二十人佩弓矢侍
衛二十人翊衛如儀

駕發警蹕

午門鳴鐘法駕鹵簿前導不與行禮之百官及外
藩蒙古王公台吉朝鮮諸國使臣咸朝服跪送
導迎鼓吹設而不作

皇帝由

堂子街門入禮部堂官二人恭導至內門降輿

皇帝由中門入至

圓殿前就拜位南嚮立鴻臚官引王公於丹陛上各官
於丹陛下均南嚮序立東位西上西位東上鴻
臚官奏跪拜興

皇帝率羣臣行三跪九拜禮奏禮成禮部堂官恭導
皇帝出內門陞輿法駕鹵簿前導導迎樂作奏祐平
之章

皇帝回鑾王公從各官以次退不與行禮之百官及

蒙古王公台吉諸國使臣於

午門外跪迎。

午門鳴鐘王公隨

駕入至內金水橋恭候

皇帝還宮王貝勒貝子赴

乾清門候入

坤寧宮祭

神殿行禮。

凡立杆祭

神於

堂子之禮歲以季春季秋月朔或二四八十月舉行祭

前一日有司立杆於

園殿南正中石座祭日懸黃幃繫采繩綴五色繪百縷

楮帛二十有七備陳香燈司俎官由

大內恭請

神位安奉於祭

神殿內南嚮陳饗餌九盤酒瓊二。

園殿陳饗餌三盤酒瓊一楮帛如前數設

御座於祭

神殿檐下西旁鑾儀衛陳法駕鹵簿日出前十刻禮部

內務府

堂官詣

乾清門奏時。

皇帝御龍袍袞服。乘禮輿出宮。警蹕扈從。如元正儀。禮部堂官朝服。自衙門恭導。

皇帝至內門降輿。山中門入。至祭

神殿陞階。至檐下跪。

御座東嚮坐。王貝勒於丹陛上。貝子入八分於丹陛下。均按翼北上。東西面相嚮坐。贊祀二人先於祭

神殿次於

園殿內。均九酌獻。三致禱。司俎官率執事奏樂舉和畢

所司設

御拜褥一於祭

神殿一於

園殿。禮部堂官恭導。

皇帝詣祭

神殿

園殿。贊祀各致祝辭。

皇帝各行一跪三拜禮。王公百官序立丹陛下兩旁。不隨行禮。禮畢恭導。

皇帝至檐下就

御座南嚮坐。王公等各就原處列坐。司俎尚膳徹饌

尚茶徹酒。

皇帝命分賜王公各祗受訖。降丹陛下序立。禮部堂

官跪奏禮成恭導

皇帝由中門出陞輿。奏樂還宮。百官跪迎。儀均與元

正同。司俎官恭奉

神位還御如

皇帝不親詣行禮。王公百官不齊集。以贊祀致辭行

禮。王公等致祭日。立杆於各班位石座。至街

門外下馬。自內門右門入。坐於西檐前階下。東

面。

大內致祭後越日。為馬祭

神於

堂子。如儀。官員庶人不得設立

堂子。有違例致祭。並王公不按爵次爭祭者。論

凡月祭之禮。孟春上旬三日。餘月朔日。

大內遣司俎官率

堂子官吏於

園殿奠饗。酒楮帛。贊祀六酌獻。三致禱。司俎官率執

事奏樂舉和贊祀祝辭行禮如儀是日內管領一人於

上神殿獻饌酒楮帛親王郡王各遣護衛一人於

上神殿獻楮帛執事者均令先期齋戒

凡浴

佛之禮歲以孟夏上旬八日司組官率執事人等白

大內請

佛至

堂于祭神殿陳香鑪獻饌酒王公各遣人獻饌執事設

盥盤贊祀二人浴

佛畢六酌獻致禱如儀禮成奉

佛還御是日

大內及軍民人等不祈禱不祭神禁屠宰不理刑

名

川

大內祭

神之禮奉晨祀

神位於祭

神殿西位東嚮奉夕祀

神位於西北南嚮日昧爽於晨祀

大正六年

內務府

七

神位前設饎餌九盤。尊一。琖一。鑪三。寅刻進二豕於庭。

贊祀就

神位酌獻祝禱。司俎官率所屬奏樂舉和畢。贊祀跪致

辭。迺封牲。先薦血。次熟而薦於俎。贊祀酌獻致

辭。行禮畢。徹饌。分胙如儀。申刻於夕祀。

神位前陳琖五。鑪五。不酌獻。祝禱時伐鼓。餘均與朝薦

同

皇帝躬祭

壇

廟齋戒日。忌辰。清明。禁屠日。不祭。餘皆日以爲常。月朔

之翼日昧爽。立杆於庭。陳豕一以祀。

天司祝致辭畢。封牲。先薦血。次倫膚爲膾。並炊穀飯以

薦。司祝致辭如前。○歲以四孟月。用馬。牛。金幣。

祗薦於

神。贊祀致辭如儀。

凡出師展拜

堂子之禮。

皇帝親征。諏吉啓行。內府官像設

御拜禱於

園殿外。及內門外。

次定本清會典 卷之八十八 內務府

二十

御營黃龍夫纛前兵部陳螺角鑿儀衛凍鹵簿均如

儀。

皇帝先詣

圓殿次詣

纛前均行三跪九拜禮六軍凱旋

皇帝入都門先詣

堂子行禮如儀。

命將出師。

皇帝率大將軍及隨征將士詣

堂子行禮次拜

纛儀均與

親征同凱旋日詣

堂子行告成禮。以上詳見禮部軍禮。

凡祀

羣神之禮建

凝和廟於

紫禁城之東以奉

雲師之神歲以秋分後三日致祭建

宣仁廟於

紫禁城之東北隅前殿奉

內務府

風伯之神。後殿奉

八風之神。歲以立春後丑日致祭。建

昭顯廟於

紫禁城之西以奉

雷師之神。歲以立夏後申日致祭。建

時應宮於

紫禁城之西北隅。前殿奉

四海

四瀆龍神。中殿奉

京畿龍神。後殿奉

八方龍神。歲以季夏旬有三日致祭。均素羞香燭

遣內府官行禮。如遇亢旱。遣官祈雨。各

神位前均陳帛一。果饌十有五盤。尊一。爵三。鑪一。

燈二。祭日設樂於西階下。自迎神至望。樂皆奏樂。日出前

二刻。遣官及執事官皆兩冠素服詣

廟內府贊禮郎二人引遣官入

廟左門贊引贊盥洗。遣官盥手畢。引升左階。進

殿左門。就正中拜位前北嚮立。典儀贊執事官各

共酒職贊引贊就位。遣官就拜位。典儀贊迎

神樂作。司香奉香盤。進贊引贊就上香位。引遣官

詣香案前贊上香司香跪奉香遣官立上柱香
次三上辦香畢贊復位遣官復位贊跪叩與遣
官行三跪九叩禮典儀贊奠帛爵行初獻禮司
帛奉罷司爵奉爵進至

神位前司帛跪奠帛三叩司爵立獻爵奠正中皆
退司祝至祝案前跪三叩奉祝版跪案左贊引
贊跪遣官跪贊讀祝司祝讀祝畢奉祝版詣
神位前跪奠於帛篚叩如初退贊叩與遣官行三
叩禮典儀贊行亞獻禮司爵獻爵奠於左贊行
終獻禮司爵獻爵奠於右儀均如初獻贊送

神贊引贊跪叩與遣官行三跪九叩禮典儀贊奉
祝帛詣燎所有司奉祝次帛次香恭送燎所引
遣官避立拜位西旁東面候祝帛過引復位祝
帛燎半贊望燎引遣官出望燎贊禮成引退
得雨後報祀陳帛一羊一豕一果實五盤餘同
祈告遣官及各執事官咸朝服行禮○建

城隍廟於

紫禁城內西北隅奉

紫禁城城隍之神建祭

永佑廟於

內務府

贊跪遣官跪贊讀祝司祝讀祝畢奉祝版詣
 神位前跪安於帛篚叩如初退贊叩興遣官行三
 叩禮典儀贊行亞獻禮司爵獻爵奠於左贊行
 終獻禮司爵獻爵奠於右儀均如初獻贊送
 神贊引贊跪叩興遣官行三跪九叩禮典儀贊奉
 祝帛僎香詣燎所司奉祝次帛次僎次香恭
 送燎所引遣官避立拜位西旁東面候祝帛過
 引復位祝帛燎畢贊望燎引遣官出望燎贊禮
 成引退如儀

欽定大清會典卷之八十九

內務府

掌儀司二

凡朝賀設樂

皇帝率羣臣朝賀

皇太后朝儀均詳禮部設中和韶樂於

慈寧宮左右檐下設丹陛大樂於

長慶門內左右

太和殿朝賀禮成

皇帝御

乾清宮。

皇后率

貴妃

妃

嬪朝賀諸

皇子皇孫咸朝賀設中和韶樂於

乾清宮左右檐下設丹陛大樂於

乾清門內左右

皇后受

貴妃

妃

嬪暨

皇子皇孫公主福晉命婦朝賀設中和韶樂於

交泰殿左右檐下設丹陛大樂於

乾清宮後左右均北嚮作樂咸以內監

凡賜茶恭遇

皇帝御殿移文尙茶備茶屆期分委護軍執事人等

分賜丹墀兩翼文三品武二品以上各官及外

國使臣茶由內務府官監視

凡燕外藩之禮歲除及正月十五日

賜外藩蒙古燕奏請

欽命進酒大臣內管領備筵九十席及期武備院張

黃幕於

保和殿南正中內管領設反坫於幕下廣儲司陳

尊罍卮爵於坫上尙膳正豫陳

御筵於

寶座上正中稍南

寶座下左右設外藩蒙古王公三旗內大臣及與燕

文武大臣席各五行左右各二十有六東西嚮

寶座左右設後扈大臣席各一會嚮

寶座前左右設前引大臣席各二東西嚮

寶座後左右設尾班侍衛席各二次西設

日講起居注官席一均南嚮

殿外丹陛左右設台吉塔布囊侍衛席各三行左

十有三右十有二東西嚮丹陛東設理藩院堂

官席一慶隆舞大臣席一均西嚮黃幕旁左設

禮部堂官右設內務府堂官席各一東西嚮樂

部設中和韶樂於

保和殿左右檐下設丹陛大樂於

中和殿後檐下左右均北嚮屆時鴻臚寺理藩院

官引蒙古王公台吉入。領侍衛內大臣序王公
暨與燕大臣等。各就班次。班齊。掌儀司官奏請
御保和殿。中和韶樂作。奏隆平之章。

皇帝陞寶座。樂止。蒙古王公暨與燕文武大臣侍衛
台吉。各就席。行一叩禮坐。尚膳正。尚膳副。護軍
叅領。升進。

御筵降。迺進茶。丹陛清樂作。奏海宇昇平日之章。尚
茶正。率尚茶侍衛執事等。舉茶案。由中道進。至
檐下正中。北嚮跪注茶於碗。進茶大臣奉茶。入
中門。羣臣皆就本位跪。進茶大臣由中陞升至

御前跪進茶。退立於西旁。

皇帝飲茶。與燕之蒙古王公。內大臣各官。均行一叩
禮。進茶大臣跪受茶碗。由右陞降。出中門。衆皆
坐。侍衛分

賜蒙古王公各官茶。皆於本位一叩。飲畢。復行一叩
禮。尚茶正等徹茶案。退。樂止。展席幕。迺進酒。掌
儀司官二人。自反站奉壺。一人奉卮。由中道
進。至檐下左楹前。丹陛清樂作。奏玉殿雲開之
章。進酒大臣出。席。釋端罩。元宵補服。羣臣皆起立。進
酒。大臣入。

殿內正中。北面跪。羣臣皆於坐次跪。掌儀司官奉壺酌酒於爵。由中門入。西嚮跪。授大臣退。進酒。

大臣奉爵。由中階升。跪。

御座右進酒。與由右階降。至原位跪。

皇帝進酒。進酒大臣行一叩禮。羣臣皆隨行禮。進酒大臣由右階升。跪受爵。仍由中階降。跪。掌儀司官入。跪受爵。退。羣臣皆起。掌儀司官一人酌金卮以入。

賜進酒大臣酒。大臣受卮。一叩。卒飲。掌儀司官立受卮。退。進酒大臣一叩。與羣臣皆坐。進酒大臣出。

加端罩。元青補服。入席坐。尚膳正等率尚膳進饌。殿

廷清樂作。奏萬象清寧之章。尚膳正等承

旨。分賜食品於各席。徧樂止。笳吹作。奏畢。慶隆舞進。舞揚烈舞畢。隊舞大臣進殿中。舞喜起舞。所司舉反玷。進至

殿陛下。

御前侍衛酌卮酒。升至

御座前。

皇帝簡召王公大臣。賜酒。領侍衛內大臣起立。視侍衛徧

賜殿陛王公大臣台吉侍衛酒。羣臣咸跪受。一叩卒飲。一叩坐。隊舞退。朝鮮國俳進百伎並作。退侍膳正副護軍叅領等升徹。

御筵降。與燕蒙古王公大臣等謝燕。行一跪三叩禮。丹陛大樂作。奏治平之章。禮成。

皇帝還宮。中和韶樂作。奏纘平之章。樂止。鴻臚寺理藩院官引外藩暨眾官以次退。○正月十四日。

頒賜外藩蒙古燕於各邸第筵席之數六十席。凡

慈寧宮筵燕恭遇

皇太后聖壽元日於正月初二日設奠各慶典前期禮部疏請得旨命所司庀饌尚膳內管領庀

皇太后

皇后御筵肴饌

貴妃

妃

嬪僮筵親王郡王各進饌筵牲酒不足者光祿寺備具以足四十席豫期請

命進酒大臣命婦至日武備院張黃幕於慈寧門外階下正中內管領設反坫於幕下廣儲司

內務府

陳尊鼎卮爵於坵上。內鑾儀衛設

皇太后儀駕。本司內監設樂懸如儀。尙膳女官內管領

妻設

皇太后御筵於

寶座正中稍南東設

皇后筵西南嚮稍後設

貴妃

妃

嬪筵。又後設公主。福晉以下。鄉君。入八分。公夫人

以上席。重行。丹陛上設公。侯。伯。子。男。滿一二品

大臣命婦侍衛妻席。重行。均東西相嚮。屆時。內

監引公主。福晉以下。二品以上命婦。咸朝服。自

永康右門入。進

慈寧門序立於丹墀。禮部堂官轉傳內監奏請。

皇后率

貴妃

妃

嬪禮服。乘輿出

啟祥門前引命婦八人恭導。由

慈祥門入。至

徽音左門外降輿入。

皇后進殿內東旁西嚮立。

貴妃

妃

嬪隨入。東西面序立。公主福晉命婦。按翼於丹陛

上東西面序立。均北上。引禮女官奏請

皇太后御慈寧宮內監接奏。

皇太后禮服出宮。中和韶樂作。奏豫平之章。

皇太后陞座。樂止。引禮女官引公主福晉以次入

殿。大臣命婦於丹陛上各就位。

皇后

貴妃以下。皆一拜就坐。尚膳女官內管領。妻升通

御筵降。迺進茶。丹陛清樂作。奏海宇昇平之章。尚

茶女官率尚茶婦。舉茶案。由中道至檐下。闕外

正中。北嚮跪。注茶於椀。進茶。女官奉茶。由中陛

升至

皇太后座前。跪進茶。退立西旁。

皇太后飲茶。

皇后率

貴妃

欽定大清會典事例 卷之九 內務府

妃

嬪以下均行一拜禮進茶女官跪受茶椀出右陛降出中門。

皇后坐眾皆坐侍衛妻等進

皇后茶及分

賜貴妃

妃

嬪公主福晉命婦茶。

皇后率

貴妃

妃

嬪以下於本位行一拜禮飲畢復行一拜禮尚茶

女官率尚茶婦等徹茶案退樂止展席器酒進

酒內管領妻二人自反站奉壺爵一人奉后由

中道進至檐下左楹前丹陛清樂作奏玉殿雲

間之章進酒大臣命婦出席。

皇后以下皆起立於本位進酒大臣命婦入

殿正中北面跪。

皇后率

貴妃

妃

嬪以下跪於坐次。內管領妻奉壺酌酒於爵。由中門入。西嚮跪授進酒。大臣命婦退進酒。大臣命婦奉爵與。由中陞升跪。

皇太后座右進酒。與。由右陞降。至原位跪。

皇太后進酒。進酒。大臣命婦行一叩禮。

皇后率

貴妃

妃

嬪以下行一拜禮。進酒。大臣命婦由右陞升。跪受。

爵仍由中陞降。跪。內管領妻入。跪受爵退。

皇后以下皆起。內管領妻一人酌金卮以入。

賜進酒。大臣命婦酒。大臣命婦受卮。一叩卒飲。內管

領妻立受卮。退進酒。大臣命婦一叩與。

皇后以下皆坐。進酒。大臣命婦出就席坐。尚膳女官

率尚膳婦進饌。殿廷清樂作。奏萬象清寧之章。

尚膳女官。內管領妻承

懿旨分賜食品於各席。徧樂止。內監下

慈寧官簾。

御前大臣禮部滿堂官引茄吹作。奏畢慶隆舞進。至

丹陛舞揚烈舞畢引隊舞大臣進至丹陛舞宮
起舞尙茶婦等舉反坫進至

殿陛下大臣命婦進

皇后酒侍衛妻分

賜貴妃

妃

嬪公主福晉命婦等酒

皇后率

貴妃

妃

筵以下一拜飲畢一拜坐隊舞退次朝鮮國併進
百伎並作退尙膳女官內管領妻引徹

御筵降

皇后

貴妃

妃

嬪於殿內公主福晉命婦於丹陛上排班謝燕行
二肅一跪一拜禮丹陛大樂作奏正平之章禮
畢樂止女官跪奏禮成

皇太后還宮中和韶樂作奏履平之章樂止引禮女官

恭導

皇后

貴妃

妃

嬪降階。出

徽音左門。陞輿還宮。內監引公主。福晉命婦各退。

○

皇子成婚。公主下嫁。設燕。

皇太后宮儀同

凡恭進饌筵。元日正月十四。十五歲除日。

皇太后宮。

皇帝

皇后宮皆進饌筵。內務府總管一人。省視恭進。

貴妃

妃

一 嬪暨諸

皇子。公主均備饌筵。有差。○恭遇

皇太后聖壽。

皇帝萬壽聖節。

皇后千秋令節。各進饌筵。如儀。○每歲正月十六日。

欽定大清會典 卷之六十九 內務府

十一

皇太后燕下嫁外藩公主郡主縣主郡君縣君鄉君蒙

古王公福晉夫人儀均與正月初二日大燕同

凡

皇子婚禮先期移文欽天監諏吉以

間遇

命夫婦偕老之大臣傳

制曰以某官某人之女某氏作配

皇幾子為福晉傳

制畢福晉父率闔族謝

恩行三跪九叩禮擇吉

簡內大臣侍衛隨

皇子詣福晉家行定親禮福晉父率闔族采服迎

於大門外延

皇子入至正寢於福晉父母前行三叩禮畢

皇子回宮福晉父率族送於大門外諏吉行納采

禮金領約一。金耳飾六。皆飾以東珠。金簪大小

各三。皆飾以珠。表裏百端。棉三百斤。貂皮百四

十。白狐皮九十。狐皮百六十。以內務府總管宮

殿監督領侍充使。賜福晉父母冠服簪環。金帶

鞍馬筵燕五十席。羊三十六。酒五十尊。及門。福

晉父母迎入中堂謝

恩行三跪九叩禮與燕大臣陪福晉父及族人之在
官者燕於中堂內務府總管命婦女官同與燕
命婦陪福晉母暨諸婦燕於內室適作樂陳戲
賓主酬酢畢中堂謝燕行一跪三叩禮內室謝
燕行二肅一跪一叩禮內務府總管暨宮殿監
督領侍等向朝復
命成婚前一日

皇子於

皇太后

皇帝

皇后前行禮福晉母率諸婦至

皇子所居宮中設牀帳收奩工部於箭亭及

皇子所居宮皆結采成婚日設燕六十席羊四十

五酒六十尊禮部傳集與燕大臣侍衛各官暨

與燕命婦延福晉父暨族人福晉母暨諸婦內

外延燕如納采儀屆吉時於

皇子宮設錦褥二東西嚮設酒饌案於前置兩爵

兩盞於案請

皇子西面福晉東面相嚮行兩拜禮各就坐執事

欽定大清會典

者執金餅。女官以盃酌酒。合和以進。

皇子與福晉皆飲。迺進饌。酒饌三行。

皇子與福晉皆起。仍行兩拜禮。徹饌案。次日。

皇子偕福晉朝見。

皇太后

皇帝

皇后。女官二人引。

皇子居左。稍前行。三跪九叩禮。福晉居右。稍後行。

六肅。三跪三叩禮。

皇孫婚禮與。

皇子同惟納采儀物。羊酒饌。筵有差。

凡公主下嫁之禮。前期。欽天監諏吉以。

開酒

命夫婦偕老之大臣傳。

制曰。以某官某之子某。尚某公主。傳。

制畢。本官率闔族謝。

恩。行三跪九叩禮。擇吉納采。授額駙爵。額駙詣。

皇太后

皇帝

皇后宮門前行禮。恭進納采禮於。

欽定大清會典

卷六十九

內務府

五

午門外詳見禮部是日於

保和殿設燕集三品以上大臣燕額駙額駙之父

及族人在官者王公有

特召者亦與禮儀均如歲除筵燕之制下嫁前一日

內府女官率執事婦女至額駙府第設牀帳陳

妝奩下嫁日

欽命皇子福晉或近支王福晉貝勒夫人送至公主

府第是日設燕延額駙父暨族人在宮者與納

采禮同屆吉時女使設錦褥二於室東西嚮設

酒饌案於前置兩爵兩盃於案請公主東面額

駙西面相嚮行兩拜禮各就坐女官一人執金

餅一人以盃爵酌酒合和以進公主與額駙皆

飲迺進饌酒饌三行公主與額駙皆起仍行兩

拜禮徹饌案次日額駙偕公主見舅姑行兩拜

禮舅姑立受一拜答一拜擇吉公主偕額駙進

宮於

皇太后

皇帝

皇后前行禮公主行禮於

宮中額駙行禮於

欽定大清會典 卷之九 內務府

七

宮門外。○王公之女奉

旨授爲和碩公主。郡主。暨宗女撫養

宮中者。其下嫁之禮。各視爵秩。以別差等。筵燕會
禮部辦理。

凡進時憲書。歲以十月朔。欽天監堂官奉至

太和門。授本司官。奉至

乾清門。

慈寧門。各授內監。恭進。

凡進春歲。以立春日。禮部率順天府官。恭進

皇太后宮春山土牛。本司官補服導引。出

永康左門至

慈寧門。授內監。接進。安設於

皇太后宮。恭進

皇帝

皇后春山土牛。於

後左門外。本司官導引至

乾清門。授內監。奉進。恭呈

皇帝御覽。仍奉出。安設於

太和殿東暖閣。恭進

皇后春山土牛。安設於

保和殿東暖閣

凡恭紀

玉牒黃冊據宗人府來文具奏請

旨候宮殿監督領侍等承

旨以未載入

玉牒之

妃

嬪等封號姓氏父族未載入

玉牒黃冊之

皇子皇女

皇孫皇孫女某行幾某年月日時生及母氏收生

婦詳書於冊授內務府總管封送宗人府載入

玉牒

凡

親蠶為壇於西苑

皇后躬饗

先蠶儀詳執事女官典儀一人贊引二人傳贊三人

司香一人司帛一人司爵一人奉福酒接福酒

各一人奉福昨接福昨各一人以上各備一人前引十

人相儀二人補闕八人儀事有遺闕者補之均於宮人內

內務府

選充。如不足數。於內府及八旗命婦內選充。置

桑田於

先蠶壇東南。建兩館織室蠶宮。二十七從室於

壇東北。設蠶母二人。於內外命婦中擇高年嫻禮儀

者充之。蠶婦二十七人。擇內苑熟悉蠶事者充

之。均由府選充。蠶初生。

皇后躬採桑於桑田。儀詳禮部從採

妃

嬪二位。由府奏請。

欽命公主。親王福晉以下。縣君輔國公夫人以上。三

人。文三品武二品官以上命婦四人。由各旗開

列。送府奏請。蠶母率蠶婦助採。蠶婦居蠶室。視

蠶之眠起而謹飼之。董以蠶宮令一人。丞一人。

由宮殿監督領侍。於首領內監內選擬奏請。歌

採桑辭十人。司金鼓拍版六人。司笙簫篴十有

八人。執采旗四十人。皆以內監充之。及繭成。

皇后獻繭於

皇太后

皇帝。

親詣織室。繅三盆手。儀詳禮部皆以蠶母襄其禮。

欽定大清會典 卷之九十九 內務府 九

欽定大清會典卷之九十

內務府

掌儀司三

凡

列聖

列后大事。

皇太子

皇貴妃

如嬪之事。皆由司豫行知會禮部檢稽案卷。工部
營造司。備物材器皿。兵部備守衛。光祿寺備供

用其一切應行典禮皆會同禮部具題請旨按例遵行詳見禮部祠祭司所需白布取於戶部

梓宮大事應用幣帛取諸內庫

金棺之事取諸戶部其製造定式及應用事宜自

初喪以及除服內務府實司之

凡陳設初喪設

几筵奉安

梓宮於殿中南嚮覆以幃帳前設寶榻藉以錦茵榻前

設香案陳銀香鼎燭檠花餅案前設香几陳設

山鑪香合飭餅案左右設燈几陳羊角燈幃帳

左右設白綾幔障數架以別內外幔前列几四

陳

冊於左

寶於右次設金蓮花餅左右各一地皆藉以毡席每奠

暫移香案香几燈几於旁奠畢復設如初皆內

監司其事

金棺前不設香几燈几

建織金

九龍綺丹施於

宮門外之左旋懸以竿承以座竿及座皆髹以黃

日以工部內務府廣儲司營造司司官各一人

守之每日暮下施廣儲司宮恭奉內務府總管

一人率至

宮門授宮殿監督領侍等首領內監一人接受奉
入設

凡筵左側次日黎明宮殿監督領侍等率首領內監奉
出至

宮門外授內務府總管廣儲司官接受升懸至墓
仍送進如前○

列后丹旒用緞金九鳳綺建於
宮門外之右墓則陳於

凡筵右側餘皆同

金棺以下皆緞金丹旒竿座各如金棺槓輿之色

由司官送至

宮門授內監奉進餘如前

凡奠獻朝夕奠設肴饌筵一計槃十有五羹飯

碗各一饌筵下設承案一左右設几二陳熟牲

牛奠設果實餅餌筵一餘並同牛奠以正午朝

夕奠隨月令之氣候以為制恭理喪儀王公大

臣內務府總管率尚茶尚膳正尚茶尚膳人員

內管領掌儀司官等執事屆時舉饌筵至

宮門皆辦內監啓門衆皆舉哀恭理喪儀王公大

內務府總管率尚茶正尚膳正舉承案尚茶副一人舉茶几尚茶奉茶筒茶碗尚膳舉肴饌素牲几羹飯內管領舉奠盆奠几掌儀司官奉壺爵以次進至

几筵殿前尚茶尚膳正進承案由中門入陳於

几筵前迺進茶几尚茶奉茶由中門入跪奠於茶几退

行一叩禮進前舉茶出爵於門外階上尚茶副

徹茶几各退尚膳舉饌案奠於承案設牲几於

兩旁尚膳正進羹飯於饌案畢由右門退出如尚茶尚膳內監則由殿門授受奠獻如儀內管領進奠几於正中

如爵如 親祭酒設於殿內正中進爵大臣進爵如祭酒石禮畢徹奠几進爵大臣舉奠盆爵酒畢尚膳正等入

殿徹饌奠几前行次饌案牲几次茶几承案以次

出恭理喪儀王公大臣內務府總管隨後出哀

止內監闔門遇元正仍奠獻惟內外輟哭一日

列后几筵前奠獻用女官恭理喪儀王公大臣內務府

總管率尚茶尚膳進至二門授內管領妻尚茶

尚膳女官率婦女進奠午奠饌筵內監進奠如

親臨祭酒奠几壺爵授內監惟恭理喪儀王公大臣

內務府總管引入。

妃嬪以下喪儀如

皇子祭酒內務府總管率入內管領進奠几於

殿內掌儀司官進爵酌酒餘皆內管領妻率諸女

官婦女奠獻內管領妻祭酒於

殿外階上女官進爵酌酒內務府總管掌儀司官

於二門下監視

凡祭日內監陳冠服於

几筵工部張黃幕於

宮門外之右東嚮內管領設反坫於黃幕正中廣

儲司官陳尊罍掌儀司光祿寺陳牲二十七及

環餅餌每於反坫兩旁前列酒尊四斗若內務

寺官將事饌筵羊酒各禮部內務府光祿寺堂

按品位遞減詳見禮部官立幕下皆東嚮內務府總管率內管領所屬

人員由左右門濛進隨筵七十九席列於

几筵殿外丹陛兩旁各加牲體夏月每筵隨瓜一筐次率尚茶尚

膳正內管領等豫進承案稍前設餅餌饌筵於

几筵殿內皆北嚮積楮帛於燎位設奉安冠服牀於前

屆時啓

宮門進茶進饌奠獻如儀讀文祭酒舉哀行禮畢

迺徹饌。以次出。內管領舉奠几。至燎位。立於右。俟陳冠服於牀。迺進奠几於牀前。正中南嚮。祭酒行禮。酌酒畢。各退。內務府總管同宮殿監督領侍內監等視燎畢。率內管領所屬。由左右門入。徹饌筵。及兩旁隨筵出。

皇帝親臨

皇祖

皇考太妃之喪。內監進奠几於殿內。北嚮。內監跪進奠几。皇帝跪祭酒。行三拜禮。餘皆左旁設榻。內監進奠几。

西嚮衆皆跪。內監跪進奠几。

皇帝坐祭酒。不行禮。衆仍行一叩禮。致祭。日。太妃皇帝親臨。由內務府豫進儀注。

凡果園徵收。

南苑五園各給地一頃十有九畝。別給贍家地各二頃十畝。歲納桃李。不徵地賦。

盛京百三十六園給地自七十畝。至二頃十畝。

畿輔置百四十八園。地自一頃至五十頃。每園設園長一人。徵收之法。以丁計者。丁給地三十五畝。歲徵銀三兩。家不過六丁。如有餘丁。止編名。

入籍地不增給。丁不起徵。以地計者。投充果園。每畝徵銀五分。新增果園。每畝徵銀一錢。通計地千頃。四十畝有奇。丁千二百六十。賦九千二百三兩有奇。完欠以十分定殿。最殿功過。偶有水旱偏災。蠲賦與會計司糧莊同。歲納時果。按其直以抵丁賦。不准抵者。與雜徵同。各園貢果。及由司置備之乾鮮各果。均貯內果房。設未入流掌果二人。署掌果二人。司果執事十有二人。專司出納。歲委司官二人。筆帖式二人。經理以供。

內廷之用。其由司置備之果。卽支丁賦和買。均於歲終奏銷。

畿輔果園。各選三人爲承催。免其身及子孫一人丁賦。

盛京設筆帖式一人。催長一人。領催三人。副領催

三人。廣寧設催長一人。領催三人。均隸

盛京內務府總管二旗佐領。關則依次選補。各園充補園長。及三年一次編審。均與會計司糧莊同。

凡內監品級。及升降黜陟。據宮殿監督領侍來

文呈堂移咨吏部。

官學

凡學舍景山六學清書漢書學各三萬善殿漢書學一咸安宮十有六學清書學四漢書學十有二。

凡教習滿教習簡選八旗之善於書射者充補漢教習景山及萬善殿官學於舉人貢生咸安宮官學於進士舉人考選充補均三年期滿引見咨送吏部。

凡官學生景山出官學選內府三旗幼丁每滿洲

佐領下八名旗鼓佐領下四名內管領下六名

萬善殿官學選幼年內監無定額咸安宮官學

於八旗及內府三旗貢監生員及官學生內選

其秀者每旗不過十名。

凡考校滿漢教習各以時訓課毋或曠廢景山

官學每三年咸安宮官學每五年一次奏請

欽命大臣考試考列優等者引

見以筆帖式庫使錄用未錄用者分別獎賞劣者黜之。

藥房

凡合藥醫生十名，召募合藥民醫生二十名。
凡合和

御藥由藥房官會同太醫院醫官敬謹監視。

凡藥料由大醫院醫官詳驗擇其佳者，送藥房
備貯。

凡奏鍾每歲伏暑設暑湯，除夕進蒼朮及隨時
所用藥味，均三月一次具奏。入參無定額，每次
酌量斤兩，奏請備用。用畢，以某月某日，患某
症，服參若干，繕冊進。

呈如前奏，請於廣儲司茶庫支領。

御藥
備貯

